

मत खावो रे मरदा जरदो,  
थे तो थूक थूक घर भरदो,  
अरे सायब कबीरसा रो कहनो,  
नशा सु अलगो रहनो ॥

जो खावे रे गुटका कट-कट,  
वारा दांत पडेला जट पट,  
अरे सायब कबीरसा रो कहनो,  
नशा सु अलगो रहनो ॥

जो पिये रे दारू मुरदा,  
वारा गल जाई दोनु गुरदा,  
अरे सायब कबीरसा रो कहनो,  
नशा सु अलगो रहनो ॥

जो पिये रे दारू बीयर,  
वारी लुगाया तो बैठी जाय पियर,  
अरे सायब कबीरसा रो कहनो,  
नशा सु अलगो रहनो ॥

जो पिये रे दारू विस्की,  
थारा घर सु लक्ष्मी खिसकी  
अरे सायब कबीरसा रो कहनो,

नशा सु अलगो रहनो ॥

अरे दारूडा पियोडा माते मुते कुत्ता,  
वारी लुगाया तो ठोके नित जुता,  
अरे सायब कबीरसा रो कहनो,  
नशा सु अलगो रहनो ॥

जो पिये रे सीगरेट बीडी,  
वारी जट पट निकले सीडी,  
अरे सायब कबीरसा रो कहनो,  
नशा सु अलगो रहनो ॥

जो पिये गांजा री चिलमा,  
वारी फेल रेजावे फिल्मा,  
अरे सायब कबीरसा रो कहनो,  
नशा सु अलगो रहनो ॥

जो खावे अमल री डलीया,  
वे खोजे लोगो री गलीया,  
अरे सायब कबीरसा रो कहनो,  
नशा सु अलगो रहनो ॥

जो पिये डोकरीया डोडा,  
थारा बुढापा मे दुखे गोडा  
अरे सायब कबीरसा रो कहनो,  
नशा सु अलगो रहनो ॥

अरे माली रे रमेश रो कहनो,  
नशा सु अलगो रहनो,  
अरे नशा सु अलगो रहनो,  
नाम सावरिया रो लेनो ॥

मत खावो रे मरदा जरदो,  
थे तो थूक थूक घर भरदो,  
अरे सायब कबीरसा रो कहनो,  
नशा सु अलगो रहनो ॥

प्रेषक मनीष सीरवी  
9640557818

Source: <https://www.bharattemples.com/mat-khave-re-marda-jardo/>



# Bharat Temples

Complete Bhajans Collections - Download Free Android App  
<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>